

李文恭公遺集

李文恭公奏議卷七目錄

湘陰李星沅石梧著

男

概揆

編次

陝撫

奏謝調補江蘇巡撫摺子

奏委署理司道摺子

查明各屬錢糧截至年底已未完解數目摺子

揀員請升西鄉縣知縣摺子

查明上年下忙錢糧已未完數目摺子

附奏補行繙譯鄉試情形片子

附奏查明洛川縣知縣公出日期片子

附奏委兼署糧道片子

附奏委署咸陽縣知縣片子

查辦教匪大概情形摺子

揀員調補咸陽縣知縣摺子

附奏委署邠州知州片子

奏報臬司丁艱出缺摺子

續審教匪情形摺子

紳民捐輸請獎摺子

附奏覆核陸慶松等獎敘片子

奏報卸篆起程摺子

奏報暫署撫篆摺子

奏謝子抗授職編修摺子

覆奏天主敎弛禁未便明示摺子

查明上忙錢糧已未完數目摺子

本年錢糧徵完過半摺子

附奏委署鄆州富平各州縣片子

奏謝調補江蘇巡撫摺子

奏爲恭謝

天恩仰祈

聖鑒事竊臣於本年正月十九日接准吏部咨開正月
初八日內閣奉

上諭江蘇巡撫著李星沅調補惠吉著補授陝西巡撫
李星沅著俟惠吉到任後再行來京請訓等因欽此

跪誦感激恐懼難名伏念臣一介孤寒才質駑鈍

特邀

聖主恩遇

簡擢封圻抵陝兩年毫無報稱昕宵黽勉兢業方深茲復祇奉

綸音調補江蘇巡撫查蘇省江海交會兼有湖河漕賦繁難中多災歉比當兵差喘息地方元氣尙虧吏治民生更宜整頓培養臣前任該省藩臬雖無多日未能熟悉情形而時事之縝心辦理之棘手迴

非陝省所可並論尤非臣愚所可仔肩蓋由積漸使然維持孔亟實有思力所不能逮並有奏牘所不能詳者渥蒙

高厚倍懷冰淵惕勵之誠不知所措惟俟惠吉來陝受

篆

臣

卽欽遵

諭旨躬謁

天顏叩求

訓示至陝省政務現仍悉心經理不敢以瓜期將近稍

涉鬆懈上負

鴻慈所有

微臣

感悚下忱謹繕摺恭謝

天恩伏乞

皇上聖鑒謹

奏
道光二十五年正月二十六日具

奏奉

硃批知道了欽此

奏委署理司道摺子

奏爲遵

旨委署藩司並遞署臬司道篆仰祈

聖鑒事竊臣接准吏部咨開本年正月初六日奉

上諭陶廷杰著來京陛見陝西布政使著李星沅派員

署理欽此當卽恭錄轉行陶廷杰欽遵北上所遺藩

司印務臣查臬司汪云任才猷幹練識力精詳堪

以派令署理所遺臬司印務查有潼商道劉源灝

心地光明任事勇決前經兩署臬篆均極認真整飭堪以委署所遺潼商道印務查有鹽巡道崇綸樸實清勤深知政體堪以委署所遺鹽巡道印務查有西安府知府李希曾才長心細熟悉情形卽可委令就近兼護除分檄飭遵外理合繕摺具

奏伏乞

皇上聖鑒謹

奏
隨光二十五年正月二十六日具

奏奉

硃批知道了欽此

查明各屬錢糧截至年底已未完解數目摺子

奏爲查明各屬應徵錢糧截至年底止已未完解數
目循例恭摺奏

聞事竊照嘉慶九年六月內准戶部咨令將已未完錢
糧數目截至年底於次年開印前報部一面專摺
具奏等因歷經遵行在案茲據藩司陶廷杰詳稱
道光二十四年額徵民屯更起運並糧折等項內
除各屬畱支外實應解司銀一百三十三萬一千

四百三十九兩零截至上年十一月底止已完銀
一百二十八萬七千四百一十五兩零業經詳明
具

奏在案茲自上年十二月起至年底止續完銀三萬
五千九百六十一兩零仍未完銀八千六十二兩
零統計二十四年錢糧已完九分九釐三毫零又
帶徵道光十九年舊欠未完緩徵銀四百一十二
兩零並道光十六年舊欠緩徵銀四百六十五兩

零因榆林懷遠神木府谷等縣二十四年秋收復
歉

奏明緩至二十五年秋後啟徵是以仍未完解等情
具詳請

奏前來臣覆核無異除將未完銀兩嚴飭督催趕緊
徵解外所有道光二十四年分額徵正賦及舊欠
銀兩截至年底止已未完解數目理合循例繕摺
具

奏伏乞

皇上聖鑒謹

奏 道光二十五年正月二十六日具

奏奉

硃批戶部知道欽此

揀員請升西鄉縣知縣摺子

奏爲揀員請升南山要缺知縣以裨地方仰祈

聖鑒事竊照西鄉縣知縣汪荆川告病回籍調理業經

臣恭疏具

題在案所遺西鄉縣係繁疲難要缺例應在外揀員
調補查知縣應調缺出例於現任人員內揀調如
現任實無堪調之員准以候補正途人員題補如
候補無人准以應升人員題升等語今西鄉縣地

處南山五方叢雜素稱難治非精明幹練熟悉情
形之員不能勝任臣與藩臬兩司在通省現任知
縣及候補正途各員內詳加揀選非現居要缺卽
人地未宜實無合例堪調之人惟查有按察司經
歷許保瑞年四十七歲四川成都縣監生遵酌增
常例捐納布政司經歷籤掣陝西道光九年正月
到省因監修橋工出力保

奏奉

旨遇缺儘先補用旋經借補今職十五年閏六月到任
因拏獲刀匪賊犯煙犯出力奏奉

諭旨賞加知州銜初次六年俸滿保薦奉

旨入於卓異班內升用該員年強才裕明敏有爲在陝
多年熟悉山境情形前署甯羗州知州卽係南山
要缺辦理均爲妥協且係俸滿保薦應升之員任
內亦無違礙案件以之升補西鄉縣要缺知縣洵
堪勝任惟以調缺請升與例稍有未符但人地實

在相需例得專摺具

奏據署藩司汪云任署臬司劉源灝會詳前來相應
聲明請

旨交部查明核議覆奏如蒙

天恩俯准以許保瑞升補西鄉縣知縣實於要缺有裨
該員係由經歷請升知縣應俟部覆到日給咨送
部引

見所遺按察司經歷員缺陝省現有應補人員容俟另

行咨補合併陳明所有揀員請升南山要缺知縣
緣由謹會同陝甘督臣富呢揚阿合詞恭摺具
奏伏乞

皇上聖鑒訓示謹

奏 道光二十五年二月二十五日具

奏奉

硃批另有旨欽此內閣奉

上諭李星沅奏揀員請升南山要缺知縣一摺著照所

請陝西西鄉縣知縣員缺准其以許保瑞升補照例
送部引見該部知道欽此

查明上年下忙錢糧已未完數目摺子

奏爲查明陝省上年下忙徵收正賦鹽課錢糧已未完數目循例具

奏仰祈

聖鑒事竊照各州縣徵解錢糧於嘉慶二十年六月內經戶部奏准令將每年上下忙應徵錢糧除畱支外實應解司銀數分別正課雜項依限造冊詳報督撫具奏並將原冊送部等因歷經遵行在案茲

據布政使陶廷杰詳稱查得陝省各屬道光二十四年分額徵民屯更起存並糧折銀除屯丁兌食及存畱外實應解司銀一百三十三萬一千四百三十九兩零內除上忙已完銀九十萬二千五百一十四兩零未完銀四十二萬八千九百二十五兩零今下忙續完銀四十二萬八百六十二兩零仍未完銀八千六十二兩零又原額鹽課銀八千九百八十兩零內除上忙已完銀二千三兩零未

完銀六千九百七十七兩零今下忙續完銀四千
五百八十一兩零仍未完銀二千三百九十五兩
零又帶徵道光十九年原未完緩徵起運銀七百
一十二兩零又帶徵道光十六年原未完緩徵起
運銀四百六十五兩零因榆林懷遠神木府谷等
縣二十四年秋收復歉

奏明均緩至二十五年秋後啟徵是以仍未完解等
情詳報前來臣覆核無異除將未完銀兩嚴飭該

管道府州趕緊督催徵解並將送到冊籍另行咨
部外所有道光二十四年分下忙徵收正賦鹽課
錢糧已未完數目理合循例恭摺具

奏伏乞

皇上聖鑒謹

奏 道光二十五年二月二十五日具

奏奉

硃批戶部知道欽此

附奏補行繙譯鄉試情形片子

再臣於上年九月請將陝甘駐防繙譯鄉試展至本年二月十六日補行奏蒙

恩允在案茲據西安甯夏將軍涼州副都統先期冊送駐防考生各五名前來臣祇奉

欽命題紙按期入闈密拆照刊局試場規尙爲嚴肅除將滿漢文卷十五本收齊彌封總包鈐印卽日委員解交禮部照例辦理外查蒙古文無應考者是

以題未發刊所有原奉

欽頒繙譯鄉試題三道併

硃封二件敬謹隨摺恭繳伏乞

聖鑒謹

奏

硃批禮部知道欽此

附奏查明洛川縣知縣公出日期片子

再洛川縣監犯鄧夫印砍斃同監犯人楊循娃一

案前經

臣具摺參

奏奉

旨這所參疎防監犯砍斃人命之陝西洛川縣典史王繩武著卽革職交該撫提同兇犯並刑禁人等研訊有無賄縱等情按律定擬洛川縣知縣劉桂楨是否公出並著查明具奏欽此當卽欽遵飭司委審去後

茲據委員西安府審明由署藩臬兩司覆訊解勘
前來臣親提研鞫該犯鄧夫印委因爭取洗臉水
口角砍傷楊循娃身死典史及刑禁人等委無鬆
刑與囚金及情弊至洛川縣知縣劉桂楨先於道
光二十四年十一月初六日前赴鄜州驗訊何正
順拔崖身死命案查鄧夫印砍斃楊循娃係是月
初七日早間之事實在該縣公出期內現有案卷
可憑並無捏飾規避等情臣覆核無異除將鄧夫

附奏委署咸陽縣知縣片子

再咸陽縣知縣楊瑛具報回籍終養業經

臣

另疏

具

題在案所遺員缺查有葭州知州凌樹棠敏練安詳
堪以委令署理據藩臬兩司會詳前來除檄飭遵
照外合併附片奏

聞謹

奏

殊批覽欽此

查辦教匪大概情形摺子

奏爲訪獲傳習邪教匪犯現飭嚴審究擬恭摺奏

聞仰祈

聖鑒事竊照陝省地方界連甘肅川楚外來奸匪每易

潛踪節經

臣

與司道等諄飭文武各官隨時嚴密

查拏不准稍涉疎懈茲據西安府知府咸甯長安

兩知縣訪得省城西街新來四川游民形跡可疑

卽飭會營改裝星夜躡緝先獲蕭剛一名起出經

卷歌訣二十本符籙一百一張金丹口訣九十八
張查係供奉無生老母勸人爲善俚詞並無違悖
字句訛據蕭剛供係四川仁壽縣人道光二十四
年四月內曾在本省南部縣拜李一原爲師學習
龍華會又名青蓮教持齋念經十一月間李一原
付給符籙令伊至陝傳徒酌收功課錢文伊卽收
徒宋會自川偕行十二月二十七日甫抵西安府
城收蕭德尙鄧紅順爲徒並勸甘興悅朱振瀾陳

信順入教未允李一原又令謝泳先康汰生周導
亨王尙儉顧品良亦來陝省並令張利貞鄧三謨
等赴漢中夏長春等赴甘肅等處傳教又聞有李
一原師兄陳汝海郭建汶同鄧良玉鄧良世彭依
法子范懷子在湖北武昌漢口傳教究在武漢何
處伊不知道等語旋經密派兵役將謝泳先等十
一名先後獲案搜查謝泳先等經卷五本與蕭剛
經卷無異連日隔別研訊據供甫至陝省卽被拏

獲未及傳徒其宋會等甫拜蕭剛爲師並未傳授
經卷符籙甘興悅等亦未聽從入教又據漢中府
知府南鄭縣知縣拏獲張利貞鄧三謨苟喜雲谷
善修黃三固上一張清江何春成劉裁縫卽劉升
趙裁縫卽趙玉清等十名並經卷書籍佛像帳簿
各等情稟報前來臣查習教傳徒大爲風俗人心
之害今該文武各官訪獲蕭剛等多犯並經卷符
籙各件旣經訊有教會名目蕭剛已認傳徒其被

誘之人當不止於此數卽現供或未傳徒或未入
教亦難保無飾詞且李一原又遣夥黨分赴各省
更難保無另有不法情事其師兄陳汝海等現在
湖北傳教有無分途煽惑究竟居止何所始自何
年徒黨何人均應根究明確密咨速拏以期除惡
務盡所供夏長春等一起接准甘肅咨會業經拏
獲審辦其漢中張利貞等一起情節小異亦據解
省委審容

臣

督飭嚴切究追據實擬辦並飭各州

縣迅加緝訪暨飛咨四川湖北兩省一體飭緝李
一原陳汶海等務俾按名就獲外所有訪獲傳習
邪教匪犯現辦大概緣由先行恭摺具

奏伏乞

皇上聖鑒訓示謹

奏 道光二十五年三月初八日具

奏奉

硃批查辦甚好嚴行根究毋致縱脫欽此

揀員調補咸陽縣知縣摺子

奏爲揀員調補要缺知縣仰祈

聖鑒事竊照咸陽縣知縣楊瑛告請終養業經臣恭疏具

題在案所遺咸陽縣係衝繁難兼三要缺例應在外

揀員調補

臣

與藩臬兩司於通省知縣內逐加遴

選非現居衝要卽人地未宜惟查有白水縣知縣

馬曉林年四十四歲河南進士卽用知縣籤掣陝

西

題補南鄭縣知縣道光十六年四月到任十八年對
調白水縣知縣十九年八月到任該員年力強盛
明謹樸誠歷俸早逾三年一切因公處分例不核
計應繳罰俸銀兩均已如數繳清另案報部以之
調補咸陽縣知縣實堪勝任與例亦符惟前任南
鄭縣爲漢中府附郭首邑兵民雜處經臣富呢揚
阿以該員公事無誤尙少歷練

奏調今職自調任以後該員益加勤奮歷練漸深才具甚爲開展且彼時南鄭縣缺尙未改繁係屬以簡調簡現在人地相需例得聲明請

旨據署藩司汪云任署臬司劉源灝會詳前來合無仰懇

天恩敕部核覆准以白水縣知縣調補咸陽縣知縣洵於地方有裨如蒙

俞允該員係現任知縣調補知縣銜缺相當毋庸送部

引

見至所遺白水縣簡缺陝省現有應補人員容俟另行
請補合併陳明所有揀員請調要缺知縣緣由謹
會同陝甘督臣富呢揚阿合詞恭摺具

奏伏乞

皇上聖鑒訓示謹

奏 道光二十五年三月初八日具

奏奉

硃批另有旨欽此內閣奉

上諭李星沅奏揀員調補要缺知縣一摺著照所請陝西咸陽縣知縣員缺准其以馬曉林調補該部知道
欽此

附奏委署邠州知州片子

再邠州直隸州知州韓鈐稟報患病驗明開缺調
理除另疏具

題外所遺員缺查有三原縣知縣周廣盛年強才練
堪以委令署理據藩臬兩司會詳前來除批飭遵
照外合併附陳謹

奏

硃批覽欽此

奏報臬司丁艱出缺摺子

奏爲臬司丁艱出缺循例由驛奏

聞請

旨簡放仰祈

聖鑒事竊

臣

接據臬司汪云任報稱該司係安徽盱眙

縣人今於道光二十五年三月十六日接到家信
知繼母周氏於本年二月十四日在籍病故該司
例應丁憂回籍守制等情具詳請

奏前來查該司汪云任經臣委署藩司印務茲據詳報丁憂應卽委員接署俾令交卸起程計新任藩司鄭祖琛此時早已出京月內准可到陝現署臬司劉源灝端方敏練整飭嚴明久任陝省道員情形均爲熟悉堪以暫委兼署藩篆除檄飭遵照外所遺陝西按察使員缺緊要請

旨迅賜簡放以重職守理合恭摺由驛奏

聞伏乞

皇上聖鑒謹

奏 道光二十五年三月十七日具

奏奉

硃批另有旨欽此內閣奉

上諭陝西按察使員缺著唐樹義補授欽此

續審教匪情形摺子

奏爲現獲傳習邪教匪徒續經審有端倪並隔省要犯請

旨密飭分別查拏仰祈

聖鑒事竊

臣

先據西安府咸甯長安兩縣稟報訪獲傳

習青蓮教犯蕭剛謝泳先等十二名當卽飭委嚴訊旋據漢中府南鄭縣訪獲張利貞鄧三謨等犯十名亦飭解省併案審辦業經恭摺具

奏在案

臣

以該地方官兩起獲犯多至二十餘名既

有教會名目又有經卷符訣來自四川牽及他省
教首究在何處徒黨究有若干有無糾謀不法重
情亟應研訊確實密速咨拏無使奸徒漏網疊經
飭司督同府縣及委員覆加隔別鞫審始據蕭剛
謝泳先鄧三謨同供拜從四川人李一原爲師李
一原卽依微子素習青蓮教以達摩爲初祖供奉
無生老母自號五行十地佛教令伊等坐功運氣

并各給與銀錢分赴陝省廣收徒衆酌取功課錢
文今年四月好來收圓普度將赴龍華三會隨後
又令蒲保得至漢中取銀三十兩及寶籙符訣送
交甘省夏長春收用李一原上年從漢口回說他
帶同夏長春到湖北武昌府會遇陳汝海等商議
復教曾在東門外長春觀做道場并在漢陽府孟
家巷設壇名紫微堂是爲雲城又在武昌府洗馬
池改立新壇議事屢請袁祖降乩示有收圓普度

小陽期約及寶光寶籙各件因以法精成秘道爲
先天五行元微專果眞爲後天五行又添溫良恭
儉讓爲五德以先天五行爲內五總持壇事其後
天五行與五德卽爲外十分掌十地如陳汝海卽
公大爺號依精子彭超凡號依法子林舟觀號依
成子郭建汝號依光子並鄧良玉鄧良士鍾守章
李一原爲八人還有二人未說名姓只知李一原
掌四川陝甘爲一地此外都不知道李一原又說

他教中有頂航引恩保恩證恩添恩各名次又說
陳汝海彭超凡在湖北黃鶴樓與周巒談道周巒
教內有金冠雲履五佛冠仙衣壽帶古今無此教
名等語其餘各犯據供或習教傳徒或習教而未
傳徒或同行而未習教核與甘省咨會夏長春供
詞大同小異質之鄧三謨等僉供夏長春曾隨李
一原親到湖北伊等未經同往故不能詳是陝甘
此次獲犯皆由李一原分途密遣展轉煽惑其爲

此案教首斷然無疑惟訊據張利貞供原名周位
掄湖南清泉縣人道光十三年拜呂文炳爲師演
習坐功運氣亦以達摩爲祖至十二世爲袁祖袁
祖以後卽與李一原所習分派奉的添弟會教職
居頂航自號摘光祖師陸續傳徒無多二十三年
正月在漢口坐靜出神忽見天有白光知人遭劫
遂造金冠雲履仙衣壽帶七星寶劍并畫蘭草又
寫龍虎二字以降妖魔曾與陳汶海彭超凡在黃

鶴樓談道彭超凡說他們八牛教主是彌勒佛轉世名叫朱普明現在漢陽府西門外皈元寺藏經閣內翠微峯總持勸令隨他入教因其道真人假好講符籙彼此兩不相下就往卧龍岡避難百日改姓名爲張利貞上年八月始到漢中府城收胡體乾爲徒得功課錢一百四十千文哥子固上一卽周位猷姪子張清江卽周榮正亦知用功并没講究何春成是從哥子學生意的等供質之固上

一張清江何春成供亦相同臣查該犯張利貞既認傳教不諱又云各行各教就鄧三謨等所供周蠻在湖北談道不合卽指張利貞而言亦似非李一原夥黨且起出金冠雲履各件其經卷鈔本尤多中如推背圖東明律風輪經九蓮寶讚託天神圖無上妙品等書非語涉悖逆卽事近妖邪實屬人中鬼蜮卽鄧三謨一犯所藏普度規條內以雲城斗牛宮爲開道根基又有王法當權佛法未顯

應宜檢密隨行暗釣賢良數語又此詩內有三豕
遇龍八牛逢犬等句較蕭剛謝泳先等所藏經卷
殊屬狂謬絕倫溯查道光八年川陝教匪案內徐
繼蘭爲內盤楊守一爲外盤均經照律治罪現據
各犯供詞明係徐楊流毒如湖北陳汶海卽前案
發遣釋回之犯類皆假稱兵火妄託鬼神以劫難
之危詞遂煽誘之私計誠爲人心所同嫉卽爲

國法所難容至李一原首佈妖言陰謀惑衆陳汶海

彭超凡郭建汶等主壇立教詭稱總辦收圓大事
此鄧三謨等所指爲宗派亦張利貞等所視爲爭
端若非迅緝兜擒寘之重典何由根株立盡萌蘖
不生除仍飭提各犯澈底根究并節次飛行各屬
及鄰省隨時隨地設法偵緝務獲外相應請

旨飭下四川湖北兩省密拏李一原陳汶海等到案嚴
審究追俾各水落石出盡法懲艾以防株累而絕
蔓延所有續審供情謹據實縷悉上

聞伏乞

皇上聖鑒訓示謹

奏 道光二十五年三月十九日具

奏奉

硃批另有旨欽此軍機大臣字寄奉

上諭奸民習教傳徒造言惑眾最爲風俗人心之害必
應嚴行懲辦淨絕根株前據寶興富呢揚阿李星沅
各奏訪獲青蓮教匪查辦情形均令嚴密拏究毋稍

疎縱本日復據李星沅奏訊明現犯供情由四川素習青蓮教之李一原分途密遣展轉煽惑又據裕泰等奏緝獲匪犯陳依精等亦供有李一原勸令喫齋扶乩騙錢之語是李一原布散妖言轉傳徒衆實爲此案教首現雖據川省拏獲其弟及伊子到案而該犯聞風潛竄著各該督撫嚴飭所屬無分畛域迅速兜拏務須尅期弋獲盡法懲治至陳汶海彭超凡郭建汶等主壇立教詭稱總辦收圓大事實屬法所難

容亦著一體嚴拏毋任縱脫其現獲各犯卽著研訊
確供按律定擬不准稍有避就以至不實不盡至湖
北所獲之犯供出商同習教各姓名有籍隸湖南江
南雲南之人又有逃往山東河南江浙等省之說卽
難保李一原等不依其同類潛匿各省著該督撫再
行確訊何人籍隸何省並根究李一原等確蹤飛咨
各該省按照匪犯姓名通行搜緝一律究辦毋得少
有遲延致有一名漏網其捏投假信輒行潛逃之張

蔚澤並著裕泰等究明拏辦將此各諭令知之欽此

紳民捐輸請獎摺子

奏爲紳民捐輸河工經費續懇

天恩優獎仰祈

聖鑒事竊照陝省官民三次捐輸河工經費其銀二十

萬九千八百四十三兩經

臣先後

奏請獎勵在案茲復據朝邑鳳縣三原咸陽郃陽大

荔富平長安醴泉邠州蒲城等十一州縣紳民及

流寓人等續捐銀兩截至三月十六日止共銀四

萬五千九十五兩六錢五分由署藩臬兩司按照
捐數彙議具詳請

奏前來

臣

查該紳民等報効情殷輸將恐後洵屬急

公好義自宜一體飭收隨就司議獎叙逐加參核
與豫工事例及捐輸成案均屬相符相應分別等
差照繕清單恭呈

御覽仰懇

聖主逾格

恩施優加獎勵至所捐銀數計奏請議叙者共銀三萬
四百九十兩又咨部議叙者共銀八千四百五十
兩又不及議叙由本省給與花紅匾額者共銀六
千一百五十五兩六錢五分現俱收貯司庫聽候
撥用此外尙有稟報捐輸未將銀兩解司者已飭
遵照

欽限統於三月底截數辦理爲此恭摺具

奏伏乞

聖鑒訓示謹

奏 道光二十五年三月十九日具

奏奉

硃批該部議奏夾片清單併發欽此

附奏覆核陸慶松等獎叙片子

再臣前奏官紳捐輸經費欽奉

上諭請以府照磨等官留陝補用之陸慶松張慶艾錕均著交該撫另覈請獎等因欽此當卽欽遵行司妥議茲據藩臬兩司詳覆前來臣復加確覈陸慶松

由供事議叙分發陝西咨補保安縣典史丁憂開缺今捐銀六百兩擬改請俟服闋後以未入流留陝歸候補班補用又張慶由籌備例捐足從九品

候選今捐銀六百兩擬改請以從九品分發陝西
補用又艾鋤由豫工頭卯捐足從九品候選今捐
銀五百兩擬改請以從九品分發陝西歸豫工頭
卯補用可否仰邀

恩允合併附片陳明伏乞

聖鑒謹

奏

硃批覽欽此

奏報卸篆起程摺子

奏爲恭報

微臣

交卸撫篆卽日俶裝入

覲仰祈

聖鑒事竊

臣

於本年正月奉

旨調補江蘇巡撫當經具摺奏謝

天恩並遵

旨於交卸後再行入京請

訓奉

硃批知道了欽此茲於四月十三日新任撫臣鄧廷楨

由甘抵陝臣謹將陝西巡撫關防暨

王命旗牌文卷書籍等件備文委員齎交卽行料理北

上躬叩

闕廷籲求

慈訓瞻

天日近欣幸難名所有卸篆起程緣由理合繕摺具

奏伏乞

皇上聖鑒謹

奏 道光二十五年四月十五日具

奏奉

硃批知道了欽此

奏報暫署撫篆摺子

奏爲恭報

微臣

折回陝省暫署撫篆日期仰祈

聖鑒事竊

臣

於本年四月十三日交卸陝西撫篆卽行

起程入京祇謁

天顏籲求

慈訓曾經恭摺具

奏在案四月二十八日行至山西靈石縣接閱邸報

奉

上諭陝甘總督著惠吉補授未到任以前著鄧廷楨署理陝西巡撫著李星沅暫署欽此旋准署陝甘督

臣

轉據吏部咨同前因當卽遵

旨中途折回茲於五月初十日馳抵陝西省城十一日

准署督

臣

委員齎交巡撫關防文卷

臣

謹卽恭設

香案望

闕叩頭祇領視事伏念

臣

秦中黽勉兩載有餘裨益

無能臨行慙懼雖民情夙厚差可驗於去來而官

守至嚴原無分乎久暫仰蒙

恩旨留署何敢以爲時無幾稍懈初心惟當一事求一事之安一日盡一日之分以冀上紓

宸注所有

微臣

暫署撫篆日期理合繕摺虔謝

天恩伏乞

皇上聖鑒謹

奏
道光二十五年五月十一日具

奏奉

殊批知道了欽此

奏謝 子杭 授職編修摺子

奏爲恭謝

天恩仰祈

聖鑒事竊 臣 接到京信 臣子 李杭本年四月二十二日

由庶吉士散館一等第八名引

見奉

旨授爲編修聞

命自天欽感無地伏念 臣 起家寒素由詞垣洊厯封圻

飫被

鴻施至優極渥

臣子

李杭年少學疏後

臣

七科復膺館

職上年具謝

臣子

中式貢士一摺奉

硃批殿試朝考名次俱高甚有出息欽此又

臣子

蒙

恩改庶吉士一摺奉

硃批勉力訓導品行爲先欽此疊荷

丹臺之茂獎洵爲詞翰之奇榮本非材而踵接清班顧

何修而首邀

寵眷載承

露綵彌凜冰銜臣惟有仰體

生成勤加訓勉務敦品以崇實行戒早達而襲虛名敢
云兩世編摩倖獲史裁之似續同矢一誠報答長
依

帝德之滋培所有感激榮幸下忱謹繕摺具

奏祇謝

天恩伏乞

皇上聖鑒謹

奏 道光二十五年五月十一日具

奏奉

硃批知道了欽此

覆奏天主教弛禁未便明示摺子

奏爲恭覆

密諭仰祈

聖鑒事竊

臣

於本年四月十三日承准軍機大臣密寄

奉

上諭據崇恩密奏天主教弛禁恐滋流弊暫緩通行頒
示一摺據奏天主教雖以勸善爲名而拜師授徒與
別教無異如明示免其治罪恐有狡獪之徒藉端影

射陽爲崇奉天主教實則隱與別項教會潛相勾結
不可不豫嚴其防等語所奏甚是愚民設教惑人不
獨山東爲然各該督撫等接奉此旨惟當於地方各
官謁見時面飭隨時體訪有傳習此教而不滋事者
毋庸查拏但不必宣揚於外致刁徒得以影射煽惑
別滋流弊將此各密諭知之欽此仰見

聖慮周詳權衡至當維時新任撫

臣

鄧廷楨已抵陝省

當經密示祇遵同深欽服查教會傳徒惑衆害在

人心其名目不同而流弊無異但使稍寬一線卽恐潛伏諸邪避重就輕出此人彼誠不可不防其漸如西洋天主教我

朝例禁夙嚴現議五口通商該夷建堂禮拜原屬

恩施法外俯順夷情豈宜復令中國之民明習外夷之教陝省距海口較遠此項如何弛禁迄未據兩廣督_臣移知咨候接准咨會謹當欽遵

諭旨慎益加慎以杜影射而固藩籬爲此密摺覆

奏伏乞

皇上聖鑒謹

奏
道光二十五年五月二十六日具

奏奉

硃批知道了欽此

查明上忙錢糧已未完數目摺子

奏爲本年上忙徵收新舊錢糧已未完數目循例恭摺奏祈

聖鑒事竊照嘉慶二十年六月內經戶部奏准行令各省於每年上下忙應徵錢糧除留支外實應解司銀數分別正課雜項依限詳報督撫二十日內專摺具奏等因茲據署藩司劉源灝詳報道光二十五年分額徵民屯更起存並糧折價除屯丁兌食

外其銀一百六十萬九千五百五十二兩零內除
存留銀二十七萬八千一百一十二兩零止該解
司銀一百三十三萬一千四百三十九兩零計自
二月開徵起至上忙截數止已完解司銀八十八
萬五千八百八十三兩零未完銀四十四萬五千
五百五十五兩零又原額鹽課銀八千九百八十
兩零今上忙已完銀二千一百二十一兩零未完
銀六千八百五十九兩零又帶徵道光二十四年

原未完起運銀八千六十二兩零鹽課銀二千三百九十五兩零今已全數通完又帶徵道光十九年原未完緩徵起運銀七百一十二兩零又帶徵道光十六年原未完緩徵起運銀四百六十五兩零因榆林懷遠神木府谷等縣二十四年秋收復歉亦經

奏明均展緩至本年秋後啟徵等情具詳前來臣覆覈無異除將未完銀兩責令該管府州於下忙秋

徵時督催依限完解外所有道光二十五年徵收
新舊錢糧已未完數目理合循例具

奏伏乞

皇上聖鑒謹

奏 道光二十五年五月二十六日具

奏奉

硃批戶部知道欽此

本年錢糧徵完過半摺子

奏爲本年錢糧現已徵完過半循例恭摺奏祈

聖鑒事竊照嘉慶八年五月經戶部奏准令各省於每年五月將徵完舊欠及當年新賦錢糧徵完若干專摺奏明等因查徵完舊欠錢糧數目業經前撫臣鄧廷楨於本年奏銷時具摺

奏明在案茲據署布政使劉源灝詳稱道光二十五年分應徵錢糧額徵民屯更起運存留其銀一百

六十萬九千五百五十二兩零內除存留銀二十
七萬八千一百一十二兩零實應解起運銀一百
三十三萬一千四百三十九兩零計自二月開徵
起至五月止現已解貯司庫銀八十八萬五千八
百八十三兩零統核徵解新賦計六分六釐有餘
已逾上忙應徵一半之數仍未完銀四十四萬五
千五百五十五兩零等情臣覆核無異除飭將未
完銀兩於秋徵時責令該管道府州督催徵解依

限全完外所有道光二十五年額徵錢糧已未完
數目理合循例具

奏伏乞

皇上聖鑒謹

奏 道光二十五年五月二十六日具

奏奉

硃批戶部知道欽此

附奏委署鄜州富平各州縣片子

再鄜州直隸州知州崇杞林因病呈請解任回籍
調理除另疏具

題外所遺員缺係繁疲難要缺應卽揀員委署查有
富平縣知縣張其翰老練精明堪以委令署理其
富平縣缺亦係要缺查有清澗縣知縣曹士鶴年
強才裕堪以委署據藩司具詳前來除批飭遵照
外理合循例附片陳明謹

奏

硃批覽欽此